

Visoki predstavnik uputio pismo zemljišno-knjižnim uredima



Nakon odluke o pokretanju procesa popisa imovine, visoki predstavnik Valentin Inzko je uputio pismo zemljišno-knjižnim uredima i katastrima u Bosni i Hercegovini. U pismu je visoki predstavnik zamolio ove urede da pripreme sve potrebne informacije kako bi se ubrzao proces popisivanja imovine.

Radna grupa OHR-a će obaviti tehnički dio posla u prikupljanju javnosti dostupnih informacija, u istom obimu kako bi to uradila i Radna grupa koju je osnovalo Vijeće ministara. To obuhvata svu imovinu koja je bila uknjižena kao vlasništvo ili pak pod upravljanjem vlasti SFRJ na teritoriji BiH, ili od strane SRBiH, na dan 31. decembra 1991. godine.

Nakon što se prikupe sve potrebne informacije, politički predstavnici BiH će morati da odluče o načinu raspodjele imovine utvrđene ovim popisom.